

কেন রে এই দুয়ারটুকু পার হতে সংশয় ?

জয় অজানার জয় ।

এই দিকে তোর ভরসা যত, ওই দিকে তোর ভয় !

জয় অজানার জয় ॥

জানাশোনার বাসা বেঁধে কাটল তো দিন হেসে কেঁদে,

এই কোণেতেই আনাগোনা নয় কিছুতেই নয় ।

জয় অজানার জয় ॥

মরণকে তুই পর করেছিস ভাই,

জীবন যে তোর তুচ্ছ হল তাই ।

দু দিন দিয়ে ঘেরা ঘরে তাইতে যদি এতই ধরে,

চিরদিনের আবাসখানা সেই কি শূন্যময় ?

জয় অজানার জয় ॥

Parjaay: Puja, Taal: Ektaal, Style: Bhairavi-Baul

Visit www.geetabitan.com for notation and other detail